

明詩別裁集

掃葉山房
石印

明詩別裁集

孫堂編
五印

明詩別裁集卷七



長洲 沈德潛確士 同輯
周 準欽萊

高叔嗣

字子業祥符人嘉靖癸未進士官至湖廣按察使○蘇門五言冲淡得

然○王敬美云徐昌穀高子業二君詩有平同而皆巧於用短徐以高韻勝高以深情勝更千百年李何有時廢興二君必無絕響

再調考功作

引疾三上書微願不克諧。徙官復在茲。心迹一何乖。軒裳日待旦。閭閻凌雲排。八屬金馬籍。出與羣龍偕。積賤詎有基。履榮誠無階。但惜平生節。逾久浸沉埋。既訪來者途。誰明去矣懷。烏迷思故林。水落存舊涯。惟當尋素業。歸卧守荆柴。

謹微葆真不躁進不妨賢卓然超其

風樂○入理不腐善學大謝

古歌

荆和當路泣。良璞為誰明。茫然大楚國。白日失兼城。燕石十襲重。魚目一笑輕。古來多感歎。今予亦吞聲。

敘懷

伊昔迫弱冠。奮足參賢豪。衣褐出下國。脫輓造中朝。聖期開九五。河清在一朝。升龍假玄淵。鳴鳳託芳條。五從宰府辟。連荷公叔招。名過有瑕額。道在無矜驕。猶全不肖軀。解冤未逍遙。

答谷司僕見問

幸自返中國。非闕逃微祿。方因疾病餘。黽勉供樵牧。春至東郭田。夏來北林木。時從遠原上。日縱平郊目。野老逢與言。道書間能讀。何能共世人。無事相追逐。勞君問出處。日暮掩茅屋。

簡袁永之獄中

本同江海人。俱為軒冕誤。子抱无妄憂。余有多言懼。昔來始青陽。今此已白露。豈乏速進階。苟得非予慕。罪至欲何言。直以愚懦故。衆女競中閨。獨退返成怒。追誦古時人。蒙冤誰能訴。皇心肯照微。與子齊歸路。

病起偶題

空齋晨起坐。懽遊罷不適。微雨東方來。陰霽修終夕。久卧不知春。茫然怨行役。故園芳草色。惆悵今如積。

送別德兆武選放歸

燕郊秋已甚。木葉亂紛紛。失路還為客。他鄉獨送君。罷歸時共惜。棄置古常聞。莫作空山臥。令人望白雲。

分水嶺晚行

客興日無奈。兵荒歲屢加。少年曾許國。多難更移家。遠水通春騎。孤城起暮笳。憑高一回首。何處是京華。

寒食定興道中

二月鶯花少。千家雨雪霏。可憐值寒食。猶未換征衣。積水生空霧。高城背落暉。忍看楊柳色。從此去王畿。

徐

階字子升華亭人嘉靖癸未賜進士第三
累官少師吏部尚書贈太師諡文貞

送司封仲芳楊子赴留都

哲人重道義。朝貴不足縻。丈夫志四方。遠適非所悲。如何與子別。悵悵不忍辭。古道日淪替。羣談紛追隨。子獨諒迂僻。經訓相劇規。去住忽以異。麗澤安所資。顏波無停流。靈耀亦西馳。感此重念子。何以慰爾知。至理不外得。吾心實吾師。願言勵操存。千里同襟期。

橫溪為彭允禎賦

橫溪東去水迢迢。虛閣重簷共寂寥。山外夕陽低度鳥。雨餘春渚暗通潮。寒空落葉書聲靜。秋草孤帆客夢遙。欲徙石湖湖上石。為君乘月更吹簫。

鄭旦

旦字希周歙縣人嘉靖癸未進士官至浙江右布政使

曉發洱海夕次濱州

天高野曠瘴煙收。風急霜繁落木秋。箬道千盤臨戍堡。山城百雉入邊州。諸蕃樂歲休戎馬。孤館頻年望斗牛。夜半角聲吹激烈。紛紛涼月照人愁。

張時徹

字唯靜歙縣人嘉靖癸未進士官至南京兵部尚書

采葛篇

種葛南山下。春風吹葛長。二月吹葛綠。八月吹葛黃。腰鎌逝采掇。織作君衣裳。經以長相憶。緯以思不忘。出入君篋笥。長得近輝光。層冰布河水中。野皓凝霜。吳羅五文采。蜀錦雙鴛鴦。君恩當斷絕。歎息摧中腸。中腸日以摧。葛葉日以衰。願留枯根株。化作萱草枝。

古樂府語意

初秋

一聲漁唱海天秋。素練初飛白露洲。亦有芙蓉自開落。何人解識漢宮愁。

蘇祐

祐字允吉濮州人嘉靖丙戌進士官至兵部左侍郎宣大總督

九日

落木驚風候。淹留感歲華。陰雲連紫塞。清淚對黃花。八駿周京馬。孤蓬漢使槎。高臺子。懶上。不為苦思家。

予告歸入倒馬關作

南風吹雨傍關來。關上千峰畫角哀。老去尚憐金甲在。生還重見玉門開。鷗絃護引思歸調。虎節空懸上將才。聖主恩深何以報。車前部曲共徘徊。

塞下曲

將軍營外月輪高。獵獵西風吹戰袍。臂策無聲河漢轉。露華霜氣滿弓刀。

華

察察字子潛無錫人嘉靖丙戌進士官至侍讀學士掌南院學士五言冲淡有陶韋風然垢氣已離未穿溟滓

秋日觀稼樓曉望

日出天氣清。山中張幽獨。登高一眺望。風物淒以肅。流水映郊扉。吹煙散林屋。秋原一何曠。薄陰翳荒竹。時聞鳥雀喧。因念禾黍熟。悠悠沮溺心。千載猶在目。王摩詰云雀喧禾黍熟此

衍作十字使不及古人

宿玉陽山房

近照明溪梁。深松晦夕景。巖臥符夙期。雲陰石牀冷。因投物外心。遂入清虛境。天寒

木葉疎。月照山房靜。然燈獨不寐。秋宵一何永。明發從此辭。白雲鎖蒼嶺。

游善卷碧仙巖

落日下空門。齋鐘出林莽。偶茲叩精廬。再宿翠微上。舊遊不知處。但見松杉長。巖虛露氣清。坐覺心魂爽。月白山窗高。夜靜風泉響。遂令寤寐中。超然脫塵網。雲壑永棲遲。願言稅歸鞅。

五月望夜與諸君山中再酌

仲夏苦晝永。薰風起將夕。圓景海上來。照此山中客。坐令微暑消。兼使衆累釋。興至時命觴。露下復移席。因耽水竹居。遂同魚鳥跡。盤遊豈忘返。翫物聊自適。臺空人影疎。夜靜潭氣白。參差樹杪峰。歷歷辨咫尺。超然悟真境。萬物一虛寂。

山臺曉望懷王僅初不至

初日照臺上。興來成獨遊。天高宿霧盡。木落空山秋。曉色侵殘鬢。新寒上故裘。吳門隔煙水。悵望空悠悠。

惠山寺與施子羽話別

看山不覺暝。月出禪林幽。夜靜見空色。身閑忘去留。疎鐘隔雲度。殘葉映泉流。此地欲為別。諸天生暮愁。

夜靜見空色五字八歲然錄譚專此種便與詩道日遠

陸

衆

衆字子餘長洲人嘉靖丙戌進士官工科給事中坐劾張桂謫都勻驛丞遷知永新縣

贈別王直夫

威鳳天際翔。潛虬澤中蟠。嚴子時閉肆。貢公乃彈冠。顯晦豈必同。各以性所安。子行樹遠績。奮身青雲端。鄙人棲蓬藿。蹇拙聊自完。丈夫志千載。飛沉何足歎。相期保貞素。歲晚同金蘭。

袁

衷

衷字永之吳縣人嘉靖丙戌進士官刑部主事誦成潮州復用薦起官至廣西提學僉事

送陳德夫使魯

帝曰封同姓。皇華遣使臣。河山藏漢誓。寶玉展周親。殿說靈光古。經傳孔壁新。余生好文獻。一為訪先民。

自柳至平樂道中書事

遠觸蒼梧瘴。初乘瀟水槎。蜥蛇晴掛樹。射蜮晝含沙。屋覆湘君竹。山開蜀帝花。夷堅收來盡。博物待張華。

大駕視牲南郊

大路調仙馭。朱旗列禁城。帝牛三月繫。田燭九衢明。日並龍旒出。山將采仗迎。橫汾卑漢詠。裡祀達皇情。

秋興

仙化行宮舊內居。花間往往駐鸞輿。徒聞漢帝橫汾曲。不見長卿諫獵書。天子射蛟關水殿。奚官牧馬遍郊墟。蒹葭首宿秋無限。悵望煙雲萬里餘。

王慎中

慎中字道思。晉江人。嘉靖丙戌進士。官至河南參政。遵歲以古文傳。然五言古亦冠。顧謝堂廡無一淺語。滑稽語。

登金山口絕頂

地紀控西界。靈山亘北甸。足弱步履愁。崖峭石猶踐。枝樛迥能援。葛脆不可挽。當其意象開。豈復慮高蹇。瞻峰皆峭崿。涉澗數迴緬。稍覺天地寬。即看雲煙變。石竇芝自榮。林罅雪尚滋。興潤無近尋。登高有遠見。周圻矗五雲。易水通一線。微茫燕趙區。歷歷皆可辨。長嘯發靈籟。倦坐席苔蘚。氛垢苟不嬰。沉慮斯可遣。

遊白鹿洞

景嬰邱壑情。况秉英賢想。寤寐懸宿心。遊盤得茲賞。重陰始晦蒙。杲杲旋開朗。攬勝據巉巖。探竒歷榛莽。境闊百慮空。意愜二儀廣。野色浮巾衣。秋容成物象。菊含露下英。泉作山中響。柔葉稍朝零。剛條非夏長。景物易流徙。今古同俯仰。躊躇悵回軫。何時還獨往。

遊麻姑山

雲出本無心。擇棲多奇嶽。繫予慕真勝。涉趣不知遠。初緣碧澗行。幾傍丹崖轉。林迢去虎蹤。蹀躞飛猿踐。泉流遞淺深。巖谷變陰顯。歛瀑過留憩。石牀時仰偃。桂芳洞裏秋霞映。山中晚探異。尋前期。入幽忘後反。神遊力不憊。理愜情俱遣。天路如可梯。欲以微官免。

皇甫冲

冲字子浚。長洲人。嘉靖戊子舉人。與弟孝汭。濂稱四皇甫。吳中詩品自高。季迪。徐昌穀。後應推皇甫兄弟。以造詣古澹無一點穠纖之習。時

二黃三張。空存名目耳。

維摩寺雨坐

回嶺無仄徑。陽岡有夷壤。展眸入空濛。游心益昭朗。長風吹輕衣。飄搖翠微上。古寺迷夕煙。明燈淡綃幌。冥雨從東來。驚雷自西往。林巒忽不見。但聞山礪響。景寂非避喧。心瑩乃成賞。為禮沉疴蹤。因之知幻象。

於巖石上眺東西兩湖

旭踐山中蹊。午憩巖上石。雲移石欲墮。雨霽蹊猶溼。倚策眺兩湖。波光渙相襲。東若既紆青。西蘅亦凝碧。芙蓉落雙鏡。天影浮重壁。檣烏有離聲。磯鷗無並翼。會茲物化情。感彼高深跡。從適得所遣。何為苦拘迫。

皇甫汭

汭字子循。長洲人。嘉靖己丑進士。官至雲南按察僉事。子楫。古體出入二謝。五言律亦在錢劉之間。與兄子安可云敵手。

秋夜把酒對月

宋玉陳九辯。陸機歌百年。悵茲清秋日。聊使幽懷宣。矯矯歸雲雁。嚶嚶含風蟬。擢芳委朝露。俄景流夕川。鱗運有代謝。薜華無長妍。始知行樂貴。何用居情牽。長夜思秉燭。新月正當筵。金尊泛綠醕。寶瑟絀朱絃。商歌當衆下。楚舞出花前。餘名焉足藉。達生乃為賢。

過武城言子祠作

邇風枉輕橈。戴星理扁櫂。超忽之武城。有蕩瞻魯道。古邑一何卑。令猷久彌劬。絃歌謝清響。精華契深造。曰余廁文儒。耽寂違時好。剖符辭帝京。腰章宰名趙。諒乏操刀資。懼貽製錦誚。經過緬遐矚。神對宣幽袍。言采江上蘋。薦此廟中貌。誰謂千載殊。可以同高調。

奉答子安兄

江郭改故陰。家園藹新霽。桑條始發林。芳草漸紆砌。潘居信為閒。楊亭況重閉。曰余忝明時。與子承嘉惠。分省各有誓。佐郡慙所莅。暫就北山招。轉愜東田稅。情忘桃李言。跡豈匏瓜繫。感遇興長謠。東章緬幽契。

從軍行寄贈楊用修

思文際聖君。稽古萃羣辟。子雲侍承明。胡為去荒域。被命事庠渠。差勝下蠶室。憤志酬八書。榮名重三策。丁年子卿嗟。皓首仰昇泣。看鶯窮瘴烟。放雞定何日。業既違操觚。歟還期裴革。五月行度瀘。千里望巴國。瀘水向東流。巴雲忽西匿。相思持寸心。願附雙飛翼。同修之才而論成遠。聚有情所共悲也。擬之為還子卿。仲昇伏旋幾於歎以當笑。

舟中對月書情

不識別家久。但看明月暉。關山一以鑒。驛路遠相違。影落吳雲盡。涼生楚樹微。天邊有烏鵲。思與共南飛。

九日寄子約

漫有登高興。兼當望遠何。對花驚白髮。見雁憶黃河。亂後書來少。霜前木落多。不堪羈宦日。同是阻干戈。

元夕熊子叔抑過集時謫遠州

國論何年定。鄉心此夕搖。雁飛天畔驛。龍影日南橋。謫宦恩非薄。之夷路詎遙。誰憐梁傅渡。曾灑漢文朝。

寄劉諫議

欲將尺素遠相貽。疎懶無如與性宜。北虜塵飛榆塞日。西京灰滿柏梁時。中朝望屬

陽司諫。左掖吟憐杜拾遺。定有封章回聖主。莫須焚草避人知。

廣寒宮登眺

寶閣凌霄建。珠窗映日開。月臨疑桂宇。露灑即銅臺。山悉圖峭入。池猶象漢迴。倚妝花屢發。窺舞鳥能來。傾國元因色。勞民豈但財。地隨胡運改。棟與美人摧。殷監良非遠。秦宮亦可哀。聖朝留故蹟。皇覽日休哉。

以前朝為荒宴之戒。得杜老詠九成宮意。

對月答子浚兄見懷諸弟之作

南北何如漢二京。迢迢吳越兩鄉情。謝家樓上清秋月。分作關山幾處明。

唐順之

順之字應德。武進人。嘉靖己丑進士。官至僉都御史。天啟中追謚襄文。

登喜峰古城

時三衛貢馬。散牧關外。

絕頂孤峰見廢關。短衣落月試躋攀。三秋豹旅方乘障。萬里龍媒正滿山。候雁似隨鄉思去。寒花將送使臣還。籌邊迂薄真無補。空望伊吾抵掌閒。

復官後報京師友人

姓名不復挂朝參。魚鳥由來性所耽。篋裏符經都已廢。山中藥草漸能諳。疎狂自分三宜黜。嬾病其如七不堪。深謝古人推轂意。莫將陽羨比終南。

冬至南郊

明王敦大報。秦時禮神君位。以南離正宵從甲子。分月臨太乙館。星動羽林軍。除道疑登岱。鳴簫異漫汾。聲容六變合。海岳百靈紛。封檢徵題字。屏帷悲畫雲。神光人共見。天語帝親聞。盛蹟誰能賦。多慙扈從羣。

陳

東

東字約之。鄞縣人。嘉靖己丑進士。官至河南提學副使。

咸寧山中雪霽晚行

雪霽昨見山。殘陽稍辭嶺。暝色起煙氛。寒光散虛井。田空獵犬還。林凍棲鳥警。遙聞野寺鐘。初月生俄頃。

都下秋雨夜飲王子長宅

闊別時何屢。蹉跎鬢已侵。還朝明主賜。卜夜故人心。涼雨杯初覆。空堂漏欲沉。安知非夢寐。相對帝城陰。

黃省曾

首曾字勉之。吳縣人。嘉靖辛卯舉人。

江南曲

綺旒綠楊樓。儂傍秦淮住。朝朝見潮生。暮暮見潮去。有情而必盡言此詩味所以薄也。只此說佳。見言外有無限情事。

錢

嶠

嶠字君望。南通州人。嘉靖壬辰進士。歷官參議。

憫黎詠

嘉靖戊申。崖吏失御。重以積蠹之餘。羣黎遂叛。攻掠城邑。遠近繹騷。撫者無策。漫以牛酒從事。越歲不戢。當路請命征討。予分典戎事。深悼誅夷之慘。用廣咨諏。卒藉天威。誅獲渠首。殲蕩醜類。總五千餘級。諸村悔過。悉歸順焉。庚戌夏四月三日。凱奏底定。追惟致寇有因。覆車當戒。感時述事。泫然有懷。

在昔邃古初。鴻濛闢天地。絕谷障南海。深菁鬱蒼翠。中有黎母居。伊人尚蒙昧。鑿井以飲渴。農田亦時藝。荒路曖匪通。幾局或交市。雖爾隔華界。猶紀王正歲。生黎若草木。榮隕隨和厲。熟黎若鳥獸。獠俟無智慮。所以古先聖。馭之以不治。

粵南本夷嶠。矧此瓊崖東。玄冬日且和。幽郊鮮陰風。花柳蔭廣隰。苗黍青芄芄。皇仁漸南極。草木均化工。豈獨茲黎人。物與非吾同。軍行值人日。感歎心沖沖。

朝發城東門。夕駐藤江壘。殺氣千層雲。狼師渡藤水。雞犬皆震驚。人民盡奔徙。海避愁蛟蛇。山匿畏虎兕。蛇虎猶可虞。狼毒不可遁。軍令甚分明。顛仆何由弭。伶俜泣路衢。迸淚不能已。嗟哉一將功。豈獨萬國毀。海南無猛虎。而有麋與麋。玄崖產珍木。種種稱絕奇。斯物出異域。頗為中國推。以茲重徵索。奔頓令人疲。窮年務采獵。為官共饋儀。苦云近歲盡。無以充攜持。直欲訴真宰。鏹此蘇民脂。物理有固然。忉怛令人思。葉落當歸根。雲沉久必起。黎人多良田。征歛苦倍蓰。誅求盡餘粒。尚恐積與豕。昨當

租吏來。宰割充盤。凡吏怒反索金。黎民那有此。泣向邏者借。刻箭以為誓。資一每輸。
腹削痛入髓。生當剝肌肉。死則長已矣。薄訴吏轉噴。鎖縛不復視。黎兒憤勇決。捉
身負戈矢。鎗急千人奔。犯順非得已。赫赫皇章存。今人棄如紙。
朔風戒良節。赫赫張皇師。軍門號令嚴。震肅將天威。壯士快鞍馬。鋒鏃如星飛。一舉
破賊壘。刀斧紛紜揮。剖尸越邱阜。踏血腥川坻。白日暗西嶺。瘴氣昏餘暉。起鼠墮我
前。飢烏逐人歸。征夫懷慘憂。涕泗霑我衣。黎人本同性。云何發禍機。神武貴勿殺。不
在斬獲為。息火當息薪。弭兵當弭飢。誰生此厲階。哲士知其非。
警兵或於是興矣。誰生厲階至今為梗。未以弭飢為救亂之本。是
真能弭亂者。老成遠慮可無。烟威後之禍。國者尚其救而聽之。
道也。徵求貢物。賦歛無

尹

耕

耕字子華。蔚州人。嘉靖壬辰進士。官至河南按察僉事。坐
劾戍遼左。子華七言律本李空同。派有秋苑晚角之聲。

秋興

薊門千里接雲中。燧火清宵警報同。合陣幾窺青海月。鳴鞭爭下黑山風。冬殘戰士
衣仍薄。歲歉孤城廩欲空。南國十年輸輓盡。防秋諸將漫論功。
十萬鳴弦報吉囊。野心狼子是花當。連姻故自輕中國。分道頻看入漢疆。推轂文人
空肉食。操戈遺孽尚蕭牆。不應干羽修文日。歲歲三關有戰場。
威名萬里馬將軍。白首丹心天下聞。遼水旌旄餘殺氣。泰山松柏已高墳。條侯自靖